

別戶口給以田宅化為良民復奏革冗員請罷逃絕丁糧氏甚德之任六年調知江西廣信府尋陞雲南右叅政

劉直 一火旁 江西安仁進士成化十七年知廉州府事台濟珠場八寨賊自天順間負固經會事林錦剽平而餘黨尚多竊發直

流開渠導水灌田招集流民居之戶口日增台濟添編與忠一里至今與忠之民尸祝焉

沈綸浙江仁和人正德間知廉州採珠內官辜輔從者怙勢虐民悉捕於獄辜輔為斂戢又濬州江口便民舟筏加意學校泮池

產芝五色士子即其地建瑞芝亭

向錦字中美浙江慈鄉進士正德八年出知廉州安南黎民骨平民百餘越屯廉恭欽州以盜聞皆論死錦以主人越界罪止為

首餘道還 浙江通志

胡鰲湖南沅陵進士嘉靖二十三年知廉州府事採珠後郡邑凋敝災旱相仍鰲勤求民瘼殫心賑濟多所存活逾年復採珠百

姓逃竄鰲條陳民害不減賈生痛哭撫按不以聞不得已乃撥驛遞羨餘以資津貼里甲派額稍蘇民甚德之

熊琦江西南昌進士嘉靖末知廉州廉平剛正不避權要值海寇登岸劫掠鋒甚銳琦身先士卒躬冒矢石徑逼賊船砲彈如雨

卒不能害賊以為神一夜乘潮遁去曾永安城貯採珠帑項山寇城劫去公典貨賠補曰吾不忍妄擊以擾平民後廉得贓賊

竟置之法其精明強幹類此

王如瓚 星岡 江西泰和舉人嘉靖末以虞部郎中出守廉州甫三月致仕時採珠太監縱恣特疏請裁抑之民攀留不得碑銘

去思

徐柏字守卿福建浦城人嘉靖壬戌進士授戶部主事出守廉州嚴飭海防 福建省志 初至官時一老奴肩行李一短僮攜塵扇

隨之伺迎者麇集郵亭不知其守也去之曰業 衣旁 被外無餘物謝於眾曰吾向者固一肩來也眾謂數十年來守此土者

能與地名稱惟柏而已 寶進諸錄

游日章嚴吏荆福建南 事 田人嘉靖己未進士萬歷二年知廉州端以率屬慈以畜民時集諸生於堂剖析經義刊家禮節要傳示士民歲大旱少禱三日雨應轉至監司兼管珠池民以盜珠牽連者多黥杖下長吏不敢言輒殺然爭之義形於色多所瓦全捐俸造永濟橋民甚便之及沒發其囊俸給不足以資輿櫬民助之且祠焉越四十年子柏槐以兵備僉事鎮廉州視廉民如家人父子不替父風人以為賢太守克昌厥後之錫云

周宗武江西臨川舉人萬歷元年任惠州府丞廉介敏惠事有不可親面折雖僚長不稍避惓惓以哀無告仲室抑為心惠守學盡詞甚器重之六年推知廉州府廉俗惑巫師宗武明大義以嚴禁之飭各屬行條鞭法蠲贖緩增高郡始躬親監督又捐俸贊泮池以匯龍門之水善政種種太守張公岳之獲此其最者

郭廷良福建漳浦進士萬歷二十一年知廉州府植性嚴厲雖有風裁廉城舊有何太守文會所被勢豪所佔力為恢復匾曰文運重光捐膏火課士其中某堤障清水江灌陸地為田民至今賴之

馮盛典浙江進士萬歷四十八年知廉州方正果毅政尚廉平事有利於民者必得請乃已雖忤當道勿顧也累贖色休三州縣士民赴撫按保留不得立祠以祀

按馮盛典通志作馮盛唐侯參考

何玉成字子純福清人萬歷癸丑進士授工部虞衡司主事天啟三年出守廉州廉界銅柱珠崖蒼梧交趾之間二村四洞時時反側玉成至拊循村峒設立邊防欽州劇盜德真等擁眾跋扈撫按議勦玉成獨持不可乃密諭罪人甯應龍兄弟許以破賊賞其罪應龍結諸生余夢麟輩竭力反間賊自相戕不月餘授首制府胡某薦於朝時粵西中丞欲開欽州道以通安南玉成力爭之遂乞歸 通志

翟文簡江西舉人天啟五年知廉州念府州縣學諸生調改重郡之弊請於上創建試院多士德之

鄭抱素湖北黃岡人由官生崇禎八年知廉州府公平慈惠訟無寃民朔望集諸生於明倫堂教以禮義廉恥懇切諄篤命題課士手自甲乙以示剋剔修輯府志修復惠民橋以利病涉亦賢太守也

杜禮江西豐城人成化間以鄉貢任廉州同知廉濱海負山多寇盜每伏毒弩殺人久益滋蔓禮安置黃亨輩一百四十餘戶以厚塘諸村隙地處之築石甃土城百四十丈為堡徙復業流民二百餘戶居之給牛種耕具令自為業編牌甲以約束之民始輯甯盜珠賊時壁岸行劫擒首惡置之法餘重修復城西廢橋築階勝坡田底惠立行民獫向化有古循吏風陞貴州都勻守

侯應魯湖北江夏舉人萬歷三年任廉州府同知剛介有智略防禦沿邊環海綏靖異府家勸民力曰誘掖入善以剝羅旁有首功建羅定僉事擒強寇飛龍飛虎等撫具眾遠貴州參議以母老歸地方利病知無不言楚賦徵米以食衛軍謂之府米力請當道裁其半卒年七十七 湖廣通志

曾選四川富順舉人萬歷二十五年任廉州府同知著敏州精明果斷剔蠹釐奸不匝月以散餉之永安交賊乘虛劫城聞報馳回賊已散去益嚴守備明年春賊復來與指揮黨宏謀協力禦之賊不敢逼是冬徵兵勦賊軍旅輯集約束將士無敢橫行事平欽人德之為立祠祀焉

蕭永泰嘉寧人嘉靖中以□監授廉州推官先是流賊破廉城嘯聚山峒為患永泰直抵木頭等寨諭以禍福賊投戈復業 通志劉子麟江南儀真舉人萬歷三年任廉州推官廉以律已嚴獄多所平反異府事多惠以七年石塘狼賊黃璋第作亂被執知府周宗武力嚴始得脫與論少之

陳文焯江西臨川舉人萬歷二十一年任廉州推官廉潔性成比之冰壺秋月每鞠獄全活甚眾署府篆留心教養力行實政日

惟攜一荅頭及圖書數卷而已

張孝起字子江蘇吳江人宗禎丁六年特賜進士授歷州府推官清順治二年丙戌大兵徇高雷廉皆下之孝起謀與復兵敗妻妾赴海死孝起羈軍中糧卒成棟叛推孝起巡撫其地成棟敗歷州反正乃從借永明王遷梧州授兵科兼掌吏科事會卜三營自楚與賊入梧跋扈不法孝起疏劾其罪有隕國公高必正者聞賊事自成妻弟驕蹇尤甚孝起責以大義卒懾服焉永明遷雲南孝起不得已奔欽州俸郵輝於龍門島後又休漳平伯周金湯金湯敗孝起被執不食七日死

黃廷平臨桂舉人以文學見稱於徐聞教諭性簡重取予不苟嘗修郡志昇陞分浦知縣歲賊頻發延年率眾躬往擒之境土

幸能民慶更生

楊百朋福建同安進士萬歷二十四年今會浦寬大不苛胥吏左右未嘗假以詞色革火耗嚴差役下鄉騷擾待士有禮以文藝

見者委曲關士諄諄不倦值內官採供應禁集調度有才不亢不隨故事集而民不病尋陞南京部郎士民德之

劉行履知伊人福建漳浦進士萬歷三十九年知台浦宜舉廉明憫邑境凋敝力行節儉一絲一粒不妄取於民剖訟決疑不假手吏曹催科不擾民樂輸賦歲無逋負尤加意作人修學宮建塔於其左以補形勢時瓊黎叛調派兵往征所過多騷擾入合

浦界行義具犒嘗遺於路身雖戎任護和跋涉無十里出涉乃返其愛民如此後以朝覲內召去

羅紳字南江江西南昌人天順初知石康縣清介忠勤成化三年大藤寇突入縣治紳率民苦戰力不支被執舉人伍奎監生周泰陳紀俱被執公給賊曰當若輩取銀贖我賊從之行至靈山馬踏村紳大罵曰我封疆守今日城陷死吾分也何以贖為遂遇害邑人聽聰守收其屍昇歸歸城老幼男婦皆巷哭邑人私謚曰忠烈先是其子鑑率民兵禦賊於倒木嶺遇害都御史黃道官嘗酒羊豕祭有專祠在石康舊縣久傾祀乾隆十八年癸酉會浦令廖佑齡改建於石康墟之南知府周碩勳顏上額曰忠烈羅公祠春秋致祭詳碑文

王兆毓江西泰和恩貢萬歷間授合浦丞淡薄自甘受去如子時奉委清丈屏絕糾派惟恐擾民至歸德永豐縣有持鷄黍為餉者食畢償其值其廉介如此役按會計公平人或說服陞任去惟來款段肩囊隨身而已

馮迨江南常熟人由進士擢御史嘉清初以言事請合浦主簿始至即開海天書屋以教廉士時王守仁總制兩廣知道為理學徽令講學靈山多士從之序署縣事清約自守務郵民省費任來公但需索驕橫惟予芒屨一雙餘無所給以從公差皆斂戢違江南新喻知縣行之日行索蕭然所遺詩文人多傳誦

清

楊模聖江南懷遠進士順治八年廣州初平周任府事明決鎮靜時土弁縱橫駕馭有方間井凋敝竭力撫綏吏鴻稍集單騎往欽靈招討劇寇所至投誠自攜蔬米不擾民門一粟在任七年去之日士民哭送臨別囑曰甯忍莫失杖穿死莫做賊至今父老相傳為楊公格言

孫奇昌山東濟甯貢生順治十八年知廉州時瘡痍未起加意拊循興學校禁悍兵汰盡役嚴保甲督團練修葺東西城樓值連海界陪內大臣科爾坤介山巡行海上備陳邊黎疾苦善於進言內大臣為之感動一應上下供給絲毫不以累民去八日士民勒碑以頌

徐化民奉天貢生康熙六年知廉州時兵燹之後地方凋敝城內外草屋致椽四鄉無墟市化民捐金多構茅寮召商賈遷不歸者日眾披荆棘開草萊安集流亡民慶更生方期年民相與歌曰廉州府莫道苦諷我廉民徐父母時海界禁嚴每曲為調護尤多陰德康熙八年屢界後招撫失業難民請開墾田殖灶復錄尤加意學校鼓舞人才廉人始知有學復纂修郡志備極搜羅文獻賴以不墜因逆藩吳三桂亂被執去士民惜之

佟國勳正藍旗廢生康熙十八年知廉州府時海氛未靖盜賊據門島為巢穴春三月寇交劫西海大石屯海山等處圍城斬

之餘黨悉平上其功賜三廉師旗幟又以前明重兵駐永安潭洲清以鎮海疆郡城俱不得要領因與州牧為世極切上其事於督撫龍門因設水師副將其功在百世也後以陞任一累官新二巡撫

牛昭祚字子融正白旗監生康熙二十九年知廉州南莊此擇以西陳地創建天南書院延師課讀置田畝以資膏火在陞金衢嚴監司歷任江北湖南藩臬郡人祀於天南書院顏其額曰海角甘棠

董紹震字舜修奉天監生康熙三十三年任廉州守政簡刑清愛民禮士力詩書使按廉考教多士免刑罰高涼跋涉之勞積免乾體漁船徵收船料士民戴德無窮卒於官闈郡奔走哀號如喪考妣

施世驥字文中號清峯鎮黃旗人白平海功貢於朝康熙四十三年任廉州府創建海門書院重建海角亭以復古蹟五十九年卒於官有惠政士民懷之

徐成棟字翌蒼號石虹正黃旗監生白筆帖式歷丞倅屏卓薦康熙五十九年擢廉州知府敏達廉幹文行大體捐俸聖廟崇聖祠尊經閣及大成殿樞生等門置樂器祭器建天南書院增學田修府志善政卓卓可紀去之日士民思之祀於天南書院

周碩勳字敦復號果齋湖南平沙舉人乾隆十六年擢守廉州公正廉明以正風俗培人材為先務愛民重士興學勸農得為政之體焉南莊任捐俸創建海門書院延師教士增置學田以贖膏火設立條規期於歷久不散廉地西而有大海東北有高山難藝黍稷開州江以廣水利繪水車圖勸民依法造製蓄水下流轉運高坡以資灌溉又教民種桑蓄蠶練絲製帛之法以開衣食之源民咸利賴之其審斷明決獄無枉縱嚴禁官山非時伐木海港詳請設汛以重邊防纂修郡志獨手經營文惠賴以不墜一切興利除弊次第畢舉流風善政今猶有存

康基田號茂園山西興縣進士乾隆三十七年以同知攝欽州知州越年擢廉州府刑清愛民禮士其在欽州時多惠政修復書院作養士類勸課不輟至廉有崇學校創琉璃城濠構造愛國亭東坡亭數十楹公餘與諸生吟咏其中涵育薰同多所成

就爲政明察剖決案牘吏不能欺自奉儉約無冗費興利除弊不遺餘力尤精形家言爲地方建文奉培形勢多驗由司道推  
河師尋任廣東布政使猶時以疏通溝渠修奎文樓爲言其嘉惠廉人之心可謂始終不倦矣猶聞公訃民爲位哭之口碑至  
今猶載道云

楊世綸江蘇通州進士由刑部郎中軍功賜花翎乾隆六十年知廉州清惠廉明治崇大體案牘必親自裁決性情淡泊悉如寒  
素海門書院日久將圯甫蒞任卽集諸生於官署殷勤課業不啻嚴師尤能儉積脯資以次修復齋舍至決疑獄省苛派事無  
鉅細靡不盡心民蒙其利辭官歸里士民如失怙恃

楊楷登桂林雲南監生嘉慶九年署廉州守性恬淡有經濟才待士以禮蒞下以寬爭訟者至庭輒以理由委曲諭之民卒感服  
蒞治日海寇掠境親率兵民設法堵禦賊聞風遠遁十年因病乞休廉士民至今思之

張應科順天固安己亥進士順治十八年宰合浦清正剛直實心爲民康熙初詔遷海界應科竭力維持保全其多解組日士民  
攀轅涕泣不忍別

金世爵奉天東甯衛舉人康熙十三年任合浦令時逆藩吳三桂遣偽將王宏誨李廷棟陷廉州勒追各官卽劄執知府徐化民  
去同知田鍾雨降權府事世爵不屈死之

楊昶字光生號澹音浙江龍游庚戌進士康熙十九年令合浦時寇亂初平百姓甫離湯火惻然以撫綏爲先務計米編甲立限  
催徵民樂輸將兩造盈庭片言可決置學田建義學卽聯珠書院今廢施藥餌瘞遺骸善政種種康熙二十五年行取陞吏部主  
事教諭陳徵綸學田碑陰有曰今以凋疲瑣尾之民變而爲平定安集之民弄兵潢池之民化而爲刀賣絃誦之民孰非公七  
生中勞心焦思經營而奠定者乎皆實錄也

韓三具字魯蹟號蘆園直隸高陽拔貢康熙五十九年江合浦令裁革陋規纂輯邑志明年奉行取入京臨行囊橐蕭然紳士商

民資助者不絕亦道一無所受其清操如此

鈕廷彩字君彰號敬亭隸白旗監王康熙六十年知會浦縣性廉介一切供億陋規悉罷去時值兵燹之後流移未復勞來安集人多聞風歸附衙宇傾圮捐俸修葺繼修前令韓三異未成縣志重修天南書院振興文教人皆德之

鹿謙吉直隸定興進士雍正十年令合浦政崇大體禮士愛民甫下車倡修學宮建還珠書院撥歸德新興等田以資膏火至釐奸剔弊獄無冤民凡事所當爲與所得爲者靡不毅然任之在任六年著有循聲惜以望悞去官

廖佑齡福建將樂舉人乾隆十六年令合浦潔己奉公愛民如子倡修海門書院建羅公忠孝各神祠釐清丈溢田畝撥龍潭寨等處魚課蓬萊都等處田畝以增膏火石康常樂等墟租息以供祭費建養濟院設義庄掩骼埋此（肉脚）有古賢良先成民

後致力於神遺志

李大根山西進士乾隆五十九年俸滿萬州知州權一浦縣公更勤廉審斷明決案鮮留牘獄無冤民每聽訟委曲理論不施鞭扑卒多感服甫下車修海門書院以禮義勵諸生人多向學擢南澳同知卸任去

賴堂號熾昌保昌進士乾隆二十年任廉州府教授學問深遠教士有方知府周碩勳延主海門書院勤於課讀多所造就振鐸數年清風兩袖卒之日無以爲殮具賻以贈葬於廉六湖峒之陽歲時門人咸詣祭奠嘉慶初始遷葬原籍刻有海門書院

課藝

黃世顯南海舉人嘉慶二年任廉府訓導學品端敦善不怠教門下士先器識後文藝授徒學舍來遊者諄諄勉以孝弟忠信性和平樂易不事聲色人咸心服以艱歸服未闕多士聘請抵廉設教從學日衆選知縣不就陞羅定州學正

李錫移字永公號鶴亭南海恩貢康熙四十七年任合浦教諭勤於課士諳練有爲知府施世驥創建還珠書院重建海角亭錫移悉董其事六十年知府徐成棟纂輯郡志公餘協修入多稱之



陳殿元號蘇山歸善拔貢乾隆五十七年任合浦教諭沉潛學問澹然寡營操琴自樂教人以端品篤實爲先門牆中有不軌於正者以理委曲勸諭人或感悟士習以端與江蘇楊世綸爲忘年交後卒於官

邱莊連平州舉人嘉慶二年授合浦教諭學問深醇性情屯(肉旁)篤門牆中有貧乏不能自給者雖具脯脩來謁不受且周其急太守常格延主講海門書院莊設立學規以存理盡性遵聖教立訓素精形家言絕口不道以艱歸生徒請教猶諄諄以敦品務學爲誨其待士誠篤如此

右採錄府志

張育(土旁)春就友堂江西坪鄉舉人道光七年守廉州敏達廉明政持大體纂修郡志以存文獻州江淤寒刺舟察視提倡疏濬卒竟厥功創設團練劃分團區行保甲鄉法海寇猖獗協集大小漁船編號歸入團練助師船搜匪輕捷得力賊平擢高雷道

方士俊湖北漢川人道光十三年令合浦公正廉明聽斷不事鞭扑真情立見擒著名土匪大豬脚斑魚頭等盡法懲辦邑試銓拔多知名士在任三載閭境安謐去之日老幼遮道攀轅不絕

厲同勳字茶心儀徽監生道光十三年守廉州甫下車問民疾苦尤獎勵解校士氣奮振丁六年冬珠螺叢生越年邑中登賢書者二人咸以爲作人之化

曾劍字勉士南海拔貢精研經學道光十六年選授合浦教諭能以雅道自振新進庠不較脩贖惟循循訓以文行而已旋遷欽州學正

韓鳳翔字東園山東章邱舉人初署始興陽山等縣歷著循聲道光十八年合浦下車伊始卽倡建龍門書院廣籌膏火憐士愛才儒風一振

音德賀號春橋滿洲正紅旗諸生道光二十二年守廉州值海寇阿梁喬等出沒欽廉洋面沿海搔動龍門肆掠勢撲廉倉卒募漁船載兵破之盜魁阿梁喬九龍發等窮蹙投誠餘黨悉平在廉六年課士察吏視民事如家事以勞得疾卒於官郡人私祀於城隍廟光緒二十六年其子國鈞總差西分兩廣款建祠於東坡故居之後顏曰春橋學舍

馬映階字芝亭順天宛平進士道光二十三年令會浦斷獄廉明命案躬親馳驗嚴禁胥役勒索歲科童試不遺寒畯

沈棟輝字奏麓歸安人道光二十六年守廉州數月卸事三十年股匪攻城廉守張百揆時調省知棟輝能緝賊請上游札委代

抵任杏邱蓮崖調潮勇來援調陳玉書率湖廉鄉團擊潰石康賊又破李士奎（水旁）於欽州方晚於多蕉捉劉八於大旭嶺

計獲洋匪朱德安等四境肅清民頌其德咸豐二年擢高廉道四年擢廣東按察使

張百揆號吟舫蕭山探花道光二十七年守廉州政務清慎民情畢達以培植人才為己任二十九年調守廉州兼權廣東學政

張遇春字百泉直隸武進士道光二十九年授廉州遊擊有勇略所用軍器具眾咸稱張大刀時流賊入境肆劫督兵痛勦大破

之其表弟某分兵追捕至欽州王光山伏起遇害遇春復調廣西梧州賊陷城殉難

顧駿字行甫順天宛平進士道光二十九年令台灣匪風熾起國防禦三十年二月朔日流賊方晚鍾亞春等據石康突至攻

城羣情惶懼駿虔禱於神親率兵壯與團紳彭輝琳等守城武生陳國綱等大破賊於石康闔境歡呼謳歌載道咸豐四年調

嘉應州牧卒於任自州城及縣市皆為編素

伊霖字雲岩滿洲正黃旗副貢咸豐二年守廉州親率兵壯擊賊其往欽靈進剿日夜露處支殫勤勞擢高廉道官至廣東布政

使

沈保頤字再香浙江德清監生成豐三年守廉州嫉匪如仇甫下車廣布耳目擒匪魁數人置諸法獲匪立縛暴徒斂跡三屬團紳募賞勦賊親選壯丁訓練所向有功追賊至廣西橫州等處大破之師旋香花迎迓者絡繹不絕又修建賓興嘉惠士林六